



**SURAT EDARAN PENTADBIRAN
BILANGAN 23 TAHUN 2016**

**PEMATUHAN PERATURAN PERJALANAN ATAS
TUGAS RASMI KE LUAR NEGARA OLEH BADAN-
BADAN BERKANUN PERSEKUTUAN**

Pejabat Pendaftar
2 September 2016

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasilitas)
Pegawai-Pegawai Kanan
YDP Majlis Perwakilan Pelajar

SURAT EDARAN PENTADBIRAN BIL. 23/2016

**PEMATUHAN PERATURAN PERJALANAN ATAS TUGAS RASMI KE LUAR
NEGARA OLEH BADAN-BADAN BERKANUN PERSEKUTUAN**

1.0 TUJUAN

Surat Edaran Pentadbiran ini bertujuan untuk memaklumkan kepada semua staf dan pelajar Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Universiti Bil. 3/2016 pada 30 Jun 2016 telah bersetuju untuk meluluskan Pematuhan Peraturan Perjalanan Atas Tugas Rasmi ke Luar Negara oleh Badan-Badan Berkanun Persekutuan dengan pindaan.

2.0 LATAR BELAKANG

2.1 Kementerian Kewangan telah mengeluarkan Pekeliling Perbendaharaan Bilangan PB 3.3 – Garis Panduan Langkah-Langkah Mengoptimumkan Perbelanjaan Kerajaan pada 11 Mac 2016 bagi memastikan agensi-agensi Kerajaan Persekutuan termasuk Badan-Badan Berkanun Persekutuan menyusun semula keutamaan program dan aktiviti masing-masing dalam membantu kedudukan fiskal Kerajaan Persekutuan.

2.2 Langkah perbelanjaan berhemah yang diperkenalkan di dalam Pekeliling Perbendaharaan tersebut adalah supaya perjalanan atas tugas rasmi ke luar negara dilakukan bagi perkara yang benar-benar perlu serta memberi impak yang signifikan kepada kepentingan negara.

2.3 Bagi memastikan kawalan dan pematuhan Badan-Badan Berkanun Persekutuan terhadap peraturan perjalanan atas tugas rasmi ke luar negara berdasarkan kepada PB 3.3 dibuat dengan sempurna, Kementerian Kewangan Malaysia telah memaklumkan menerusi surat bernombor rujukan KK/BSBB 10/72 Jld. 8 (SK. 1) (2) yang bertarikh 11 Mei 2016 dengan menerangkan peranan Pegawai Pengawal berhubung perkara ini.

3.0 PELAKSANAAN

3.1 Berdasarkan kepada peraturan ini, pelaksanaan peraturan perjalanan ke luar negara di Universiti adalah seperti berikut:

- i. Penurunan kuasa kelulusan Lembaga Pengarah Badan Berkanun kepada **Pengerusi Lembaga Pengarah Universiti**;
- ii. Sokongan dan kelulusan Pegawai-Pegawai Universiti adalah seperti berikut:

Bil.	Pegawai	Disokong	Diluluskan
1.	Naib Canselor	i. Pengerusi Lembaga Pengarah Universiti ii. Ketua Setiausaha KPT	i. Ketua Setiausaha Negara
2.	Timbalan Naib Canselor	i. Pengerusi Lembaga Pengarah Universiti	i. Ketua Setiausaha KPT

- iii. Penurunan kuasa menyokong dan meluluskan pegawai-pegawai berikut kepada Naib Canselor:

Bil.	Pegawai	Disokong	Diluluskan
1.	Penolong Naib Canselor/Dekan/Pengarah/ Ketua Pusat Tanggungjawab/ Pensyarah dan Pegawai Lain	Naib Canselor	Naib Canselor

- iv. Kelulusan ke luar negara bagi para pelajar disokong dan diluluskan oleh Naib Canselor:

Bil.	Pegawai	Disokong	Diluluskan
1.	Pelajar	Naib Canselor	Naib Canselor

4.0 TARIKH KUAT KUASA

Surat Edaran Pentadbiran ini berkuat kuasa mulai dari tarikh ia dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN
Pendaftar
Universiti Teknikal Malaysia Melaka

/bpsm/norma